

III. DEIALDIA

DOKTORETZA BEKAK

DEIALDIAREN OINARRIAK

Onuradunak

Bekak **Goi-mailako Unibertsitate Tituludunentzat** dira, Doktoretza Tesia kalitate edo ospe frogatua duten Ikerketa Unitateetan (publiko nahiz pribatuetan) egin nahi badute.

Ingeniaritzako tituludunek bukatuta izan beharko dute Ikasketa Bukaerako Proiektua.

Beken diru-kopurua

Beka bakoitzaren diru-kopuru gordina 1.002,00 €-koa izango da hilean.

Doktoretza Programan matrikulatzea bekaren lehenengo edo bigarren urtean egingo da, eta bekadunaren eta Ikertegiaren artean ados jarrita betiere. Doktoretza Programako matrikula-tasak erdiz erdi (%50na) bekadunak eta bekari dagokion Ikertegiak ordainduko dituzte. Bekaren hirugarren urtea bukatzean, Ikertegiak bekadunari ordainduko dio Doktoretza-ikastaroen matrikulagatik honek bere garaian ordaindu zuen %50 hura.

Istripu Asegurua ere sartuta dago bekan.

Beka hau ez da bateragarria beste beka edo lansari batzuk hartzearekin.

Bekaren garapena

Beka garatzeko, doktoretza-ikastaroetara joan behar da, eta Doktoretza Tesia egin behar da ikerketa-proiektu baten barruan.

Bekadunak tutore bat izango du, Unibertsitateak izendatua, eta Doktoretza Tesiaren zuzendari bat. Bi figura horiek bateragarri dira pertsona bakar batengan.

Doktoretza Beken iraupena urte batekoa izango da, baina luza daiteke, gehienez ere 4 urtera. Tesiaren defentsa 4 urte horiek igaro baino lehen egiten bada, Tesiaren defentsa egiten den hilabetean bukatuko da beka.

Bekadunak 2005ko urriaren 20an sartu beharko du bere bekari dagokion Ikertegi edo Zentrora.

Bekaduna 2005ko urriaren 20a baino geroago hasten bada lanean, igarotzen dituen hilabeteen arabera izango da diru-kopurua.

Bekaduna zeinahi egunetan hasten dela ere ikertegian, laguntzari dagokion epea 2006eko urriaren 19an emango da bukatutzat.

Lehenengo urtea bukatzean, Iñaki Goenaga - Teknologi Ikertegien Fundazioak bekadunari buruzko iritzia eskatuko dio Zentroari. Datu hau eta dagokion proiektuaren egoera funtsezkoak izango dira Beka berritu ala ez erabakitzeko.

Beken izaera

Beka emateak ez du inolako lan-harremanik sortuko bekadunaren eta Iñaki Goenaga - Teknologi Ikertegien Fundazioaren edo bekaduna hartzen duen Ikertegiaren artean, eta Ikertegiak ez du inolako konpromisorik hartzen gero bekadun hori bere langileen artean sartzeko.

Beka eskuratzeko baldintzak

Bekaduna programa zertuko duen Ikertegian sartzan denean hasiko da beka eskuratzen ere; programa burutzera konprometituko da bekaduna eta Ikertegiko arauak betetzera une oro, probetxu ona izan dezan beharrezko diren jarrera eta interesarekin.

Beka bateraezina da ordaindutako edozein lanekin.

Bekarako baldintzak betetzen ez badira, Fundazioak eskubidea izango du emandako diru-kopuruak itzultzea eskatzeko.

Prestakuntza Tesiaren zuzendariak gidatuko ditu, baina Fundazioak beti izango du ahalmena bekadunaren jardueraz kontrol orokorra egiteko.

Fundazioak eskubidea izango du, urteko edozein unetan, bekaduna egiten ari denaz txostena eskatzeko bekadunari berari edo Ikertegiari. Txosten hori bekadunak ez badu aurkeztzen edota aurkeztutakoaz Fundazioak balioespen negatiboa egiten badu, laguntza eten egin daiteke berehala. Erabaki honek motibatua beharko du izan.

Beka betiko edota aldi baterako eteteko zio edo motiboak honako hauek izan daitezke:

- Bekaren prestakuntza-helburuak lortzeko ezintasuna.
- Bekari probetxurik ez ateratzea.
- Diziplinarik eza.
- Bekadunaren esku jarritako ekipo eta materialak behar bezala ez erabiltzea.
- Ikertegiko barne-arauekiko begirunerik eza.
- Isilpeko informazioa argitara ematea.

Bekadunek ondorengo eskubide eta betebeharrak izango dituzte:

- Bekaren ondorioz, deialdiaren oinarrietan ezarritako diru-kopurua hartuko dute.
- Istripu-asegurua izango dute.
- Bekaren edukiarekiko prestakuntza gehigarria hartzeko aukera izango dute, dagokien Ikertegiko arauen arabera.
- Fundazioaren Idazkaritza Teknikoa bekadunen esanetara izango da beti, eskatzen diotenari erantzuteko.
- Beka garatzen ari diren Ikertegiko barne-araudia bete beharko dute.

- Beren ikergai edo aztergaiei buruz erabateko isiltasuna gorde beharko dute beka iraun bitartean eta bukatu ondoren, eta Ikertegiaren baimena, argi eta garbia, beharko dute egindakoa erabiltzeko edo/eta beste batzuei ezagutarazteko.
- Beka sartuta daude Doktoretza Programako matrikula-tasak ere.
- Beka bukatzean, beren lan-egoeraren berri eman beharko diote Fundazioari.

Fundazioak bekadunak egindakoaren ziurtagiria egingo du bekaren hirugarren urtearen hasieratik aurrera.

Ikerketa-lan horren ondorioz inolako argitalpenik egingo balitz, Iñaki Goenaga - Teknologi Ikertegien Fundazioa aipatu beharko da bertan, eta argitalpen horren ale bat Fundazio horretara bidaliko da, eta beste bat beka zertu den Ikertegi edo Zentrora.

Bekak eskatzea eta aukeraketa-prozesua

Bekak eskatzeko baldintzak

Beka eskatzeko, beharrezkoa da Goi-mailako Unibertsitate Tituludun izatea (Ingeniaritzen kasuan, Ikasketa Bukaerako Proiektua bukatuta izatea).

Eskaerak aurkeztea

Beka-eskaerak 2005ko uztailaren 1etik uztailaren 29era aurkeztu behar dira.

Eskaerak Fundazioaren web orrian (www.fundacioncentrostecnologicos.org) dagoen Eskaera Formularioaren bidez bideratu behar dira, hantxe daudelarik behar diren argibide guztiak formularioa behar bezala betetzeko.

Aukeraketa

Fundazioak Epaimahai Kalifikatzailea izendatuko du Bekak emateko.

Eskaeren balioestea ondorengo irizpide hauen arabera egingo da:

- Espediente akademikoa
- Titulazio berria
- Hizkuntzak jakitea
- Eskatzaileak aurkezten duen beste edozein merituz: ikasketa-bukaerako proiektuaren gaia, egindako lan teknikoak, ikasketak, etab.
- Bakoitzarekin egingo den elkarriketa.

Aukeraketa-prozesuaren lehenengo fasea Fundazioaren web orriaren bidez eskatzaileak ematen duen informazioaren arabera soilik egingo da. Geroago, emandako informazio hori guztia egiaztatu egin beharko du agiri bidez.

Aukeraketa-prozesuaren barruan, Epaimahaiarekin aurrez aurreko elkarriketa egin beharko da, nahitaezko betebeharrak gisa.

Bekaren bat esleitu gabe geratzen bada, edota deitutako beketan aldaketak gertatzen badira, komenigarri iruditzen zaizkion erabakiak hartzeko eskubidea izango du Fundazioak, betiere deialdi honi dagokion espirituaren barruan.

Atzerriko titulazioek Estatuko titulazioekin duten baliokidetasuna Fundazioak balioetsiko du.

Beka eskatze hutsak esan nahi du onartzen direla Iñaki Goenaga - Teknologi Ikertegien Fundazioaren oinarri hauek, beronek erabakiko dituelarik sortzen diren gorabeherak.

INFORMAZIOA:

- Iñaki Goenaga Teknologi Ikertegien Fundazioan (Tel. 94 420 94 88)
- Ondorengo web orrian: (www.fundacioncentrostecnologicos.org)